

# THE MIZORAM RIGHT TO INFORMATION RULES, 2010.

**The Mizoram Gazette**  
**EXTRAORDINARY**  
*Published by Authority*

RNI No. 27009/1973 Postal Regn. No. NE-313(MZ) 2006-2008 Rs 2/- per issue

---

VOL-XXXIX Aizawl, Wednesday 24.11.2010 Agrahayan 3, SE 1932, Issue No.465

---

## NOTIFICATION

**No.F.13011/4/2008-IPR, the 20<sup>th</sup> September, 2010:** Governor of Mizoram chuan Right to Information Act 2005 Section 27-na in thuneihna a pek angin heng dante hi a siam:-

### **Rule 1. A hming leh hman tan ni (Short title and commencement):**

- 1) He Dan hi Mizoram Right to Information Rules, 2010 ti a koh/hriat a ni ang.
- 2) Official Gazette-a chhuah ni atangin hman tan a ni ang.

### **Rule 2. Hrilhfiahna (Definitions):**

A chhung thuin kawhtir dang a nei a nih loh chuan –

- a) ‘Act’ chu Right to Information Act, 2005 tihna a ni;
- b) he danin a hman thu dang, Act-in a hranpa a a hrilhfiah loh zawng zawng te hian Act-in a kawh tir ang zelin awmzia an nei ang;
- c) ‘Commission’ chu Mizoram Information Commission tihna a ni;
- d) ‘Section’ chu Act-a section tihna a ni;

- e) Section 2 hnuaia clause (h), sub-clause (d), (i) & (ii) a tarlan, pawl emaw, non-Government organization (NGO) emaw, chungchanga 'substantially financed' ('pawisa tam thama pui/tanpui') awmzia chu pawl emaw, non-Government organization emaw, State sawrkarin suma a puih, chu puihna chu eng hming pawh vuah ni se, stipend te, scholarship te, grant te, grant-in-aid te, puihna dang hrim hrim te huam vekin, pawisa fai emaaw, bungrua leh thil danga puih emaw anih pawhin a hlut zawng pawisa a chhut theih a nih a, a puihna kha kha pawl hnathawhna tur sum 30% emaw, cheng nuai khat emaw, a tlem zawk zawk, a tlin chuan tam thama pui (substantially financed) tihna a ni ang.

**Rule 3. Information dil chungchang (Request for obtaining Information):**

- 1) Act section 6, sub-section (1)-a tarlan angin State Public Information Officer hnena information dilna chu application fee cheng sawm nen thehluh tur a ni. He fee hi receipt la in a sum faiin a pek theih a, treasury challan te, demand draft te, bankers cheque te, Indian Postal Order (IPO) te hmangin a pek theih bawk.
- 2) Dilna a dawnin State Public Information Officer emaw, State Assistant Public Information Officer emaw chuan dilna a dawng ngei a ni tih lantir nan a dawnna receipt diltu hnenah a pe ang.

**Rule 4. Information pek chhuah man (Fee for providing Information):**

- 1) Act section 7, sub-section (1) emaw, sub-section (5) emaw, hmanga information pek chhuah a nihin pek chhuah man pawisa fai emaw, treasury challan-in emaw, demand draft-in

emaw, bankers cheque-in emaw, Indian Postal Order-in emaw  
State Public Information Officer hnenah a hnuai tarlan ang hian  
pek tur a ni:

- a) Phek khatah cheng khat zelin (A-4 or A-3 size paper) siam  
chawp a ni emaw, copy a ni emaw;
- b) Lehkha pheh hlai/lian zawk hman a nih chuan a man zat  
chiah;
- c) Sample emaw, model emaw pek chhuah man chu a  
(sample/model) man zat chiah;
- d) Record en (inspect) nan darkar hmasa berah man awm lovin  
a ni ang a, a hnu lamah chuan darkar khat zelah cheng nga  
(darkar hmasa ber dawttu atang chuan darkar khat a tlin loh  
pawhin cheng nga tho a ni ang);
- e) CD hmanga information pek a nih chuan CD pakhat zelah  
cheng sawmthum;
- f) Chhuah (publish) man emaw, kha thil chhuah atanga lak  
chhawn emaw a nih chuan photocopy pheh khatah cheng  
khat (Publish material pek chhuah a nihin tihna a ni).

**Rule 5. Pawisa chhun luh chungchang (Deposit of fees):**

Heng dan (MRTI Rules, 2010) hmanga pawisa hmuh reng reng a  
hnuai tarlan Head of Account-ah chhun luh tur a ni:

0070	-	<i>Other Administrative Services</i>
60	-	<i>Other Services</i>
118	-	<i>Receipts under RTI Act, 2005</i>

**Rule 6. Man lak lohna tur te (Fee not chargeable): Hengah te hian man (fee) lak loh tur a ni: -**

- a) Mizoram sawrkarin Below Poverty Line (BPL) a tih te hnena BPL chungchang information pek a nihin.
- b) Act section 7, sub-section (1) tarlan hun tiam chhunga State Public Information Officer-in a pek chhuah loh emaw, pe chhuak duh lo a ngaih a nihin emaw, information chu a thlawna pek tur a ni.
- c) Act section 4-in a phut anga information chhuah tur emaw, puan zar tur emaw, chhuah loh emaw, puanzar loh emaw avanga miin an dilna pek chhuah man lak loh tur a ni.

**Rule 7. Zualko dan (Procedure of appeal):**

- 1) **Zualkona a ziahlan tur te (Contents of appeal):** Departmental Appellate Authority (DAA) emaw, Commission emaw, hnena zualko a nihin zualkona lehkhah-heng te hi tarlan/ziahlan tur a ni:
  - a) Zualkona thehluttu hming leh address;
  - b) Departmental Appellate Authority emaw, State Public Information Officer emaw, hming leh address, tu zawk emaw thutlukna avanga zualkona thehluh a nihin, thutlukna siamtu hming leh address;
  - c) Thupek (order) chipchiar, number leh date te nen, chu order avanga zualkona thehluh a nihin;
  - d) Zualko chhan tawi kim;
  - e) Information pek duh loha ngaih avanga zualko anihin, dilna chipchiar, number leh date leh dilna dawngtu Departmental

Appellate Authority emaw, State Public Information Officer emaw, hming leh address telin;

- f) Tanpui dilna (a chungah engtia tih nge a duh tarlan tur a ni).
- 2) **Zualkonaa thehluh tel tur lehkha-te (Documents to accompany appeal):** Departmental Appellate Authority emaw, Commission emaw hnena zualkona-ah heng lehkhathe hi thehluh tel tur a ni:
- a) mahni in attest (self-attested) zualkona a kan khin tur, thupek (order) emaw, lehkha (documents) emaw;
- b) zualkona thlentu-in inngahnana a hman lehkha te leh zualkona a sawi lan te.
- 3) **Zualkona chungchanga thutlukna siam dan (Procedure in deciding appeal):** Departmental Appellate Authority-in emaw, Commission-in emaw zualkona chungchangah hetiang hian a ti thei ang –
- a) tawngka-in emaw, ziaka intiamkamna nen emaw, affidavit nen emaw mi a insawifiahtir thei;
- b) sawrkar lehkha leh thilkawl that (record) te a chhiar sakin a ensak thei ang;
- c) thu chiang zawk hriat duh a neih chuan a chhui (enquire) thei ang a, mi dang a chhui tir thei bawk ang;
- d) State Public Information Officer emaw, State Assistant Public Information Officer emaw, zualkona hmasa (DDA hnena zualkona) a thutlukna siamtu Senior Officer emaw, mi dang tupawh lungawilohna thlentu ni a puh te hnen atangan insawifiahna a neih tir thei ang;
- e) third party-a insawifiah tir thei ang;

- f) State Public Information Officer hnen atangin emaw, State Assistant Public Inforamtion Officer hnen atangin emaw, zualkona hmasa a thutlukna siamtu Senior Officer hnen atangin emaw, mi dang tu pawh lungawilohna thlentu hnen atangin emaw, third party hnen atangin emaw affidavit hmangin thuchianna (evidence) a dawng thei ang.
- 4) **Hriattirna pek dan (Service of notice):** Departmental Appellate Authority-in emaw, Commission-in emaw hriattirna a chhuah chu hetiang hian pek tur a ni:
- a) hriattirna chhuahtu ngeiin a pek;
  - b) hlan chhawngtu kaltlanga kuta hlan;
  - c) registered post-in dawn thu hriattir let tura tihna nen;
  - d) Head of Office emaw, Head of Department emaw kaltlangin.
- 5) **Zualkona thlentu emaw, lungawilohna thlentu emaw tel/awm ve chungchang (Personal presence of the appellant or complainant):**
- a) Zualkona thlentu emaw, lungawilohna thlentu emaw (zualkona chungchang ngaihtuahna-ah zualkona thlentu, lungawilohna chungchang ngaihtuahna-ah lungawilohna thlentu) an chungchang ngaihtuah (hearing) hun hma ni sarh la awmin an chungchang ngaihtuah hun/ni tur hriattir tur an ni;
  - b) Zualkona thlentu emaw, lungawilohna thlentu emaw khan a duh chuan zualkona chungchang Departmental Appellate Authority-in a ngaihtuahna-ah emaw, lungawilohna chungchang State Information Commission-in a ngaihtuahna-ah emaw amah ngei emaw, a aiawh emaw tirin a tel thei a, a duh chuan a tel lo thei bawk;

- c) Departmental Appellate Authority/State Information Commission-in zualkona thlentu emaw lungawilohna thlentu emaw chhan engemaw avanga an chungchang ngaihtuahna-a tel thei lo ni a a ngaih chuan zualkona thlentu emaw, lungawilohna thlentu emaw kha thutawp siam a nih hmian an duh a sawi tir thei a, tul a tih angin a kalpui thei bawk;
  - d) Zualkona thlentu emaw, lungawilohna thlentu emaw-in ama chungchang a sawina-ah midang a in puih tir thei;
- 6) **Appellate Authority thupek (Order of the Appellate Authority):** Appellate Authority thupek chu Court thu chhuak ang leh ziakin a ni ngei tur a ni a, chu chu ama thuneihna/thu (hming sign hnan) ngeia chhuah a ni tur a ni.

**Rule 8. Dan siamthat theihna (Power to amend Rules):**

State sawrkarin (Mizoram sawrkarin) Commission nena inrawn flangin emaw, Commission thurawn (recommendation) angin emaw heng danah hian belhchhah te, thenkhat paih te, tihdanglam te, siamthat te a ti thei a, tihdanglam emaw siamthat emaw a nih chuan State Legislature-ah pharh tur a ni.

**Rule 9. Hnawl leh hum chungchang (Repeal and saving):**

Mizoram Right to Information Rules, 2006 chu he dan hian a hnawl/luahlan (hman theih loha siam) a ni;

Mizoram Right to Information Rules, 2006 hnuaia Rule 8-na erawh chu 21.6.2006 atanga hnawl a ngaih a ni;

Dan hnawl/luahlan tak hmanga thupek siam emaw, thil tih tawh reng reng he dan hmanga thupek siam/tih anga ngaih tur a ni.